

善化縣志



卷之三十三

祥異

卷之三十四

叢談

ル 5
3269
20



凡
3260
卷 20

昭和十七年
十月八日
購求

善化縣志卷之三十三

祥異 兵難附

天以順動不失其中故四序順至地以靈靜作合承天故品物用成此言天地之安其常無所為異也反時反物災殃之生由於人之反德故休徵咎徵人事應焉程子曰水旱螟蝗之災皆不善有以致之可畏哉夫芝草醴泉達順為瑞桑林泮水修德為祥邇世不以水旱累也至憂盛危明不忘積薪厝火兵戈為災異之大用附紀焉志祥異

善化縣志 卷之三十三 祥異
宋善化分置自宋元符時始
故但紀元符以後祥異

徽宗崇甯三年甲申四月流星出軫西北漫流入太微垣

四年乙酉湘州野蠶成繭

五年丙戌二月流星出東南漫流至軫沒

高宗建炎三年己酉二月望月食於軫

紹興元年辛亥潭州得白玉於州城蓮池孔彥舟以獻邵之

五年乙卯大饑

孝宗乾道九年癸巳十月蒼白氣見南方入翼

淳熙六年己亥正月望日食於翼既

七年庚子旱

十三年丙午閏七月五星聚於軫八月日月五星俱聚軫

十五年戊申八月朔日食於翼

十六年己酉潭州疫

甯宗慶元三年丁巳七月望月食於翼既八月金火木三星
合於翼

開禧三年丁卯四月流星出自軫宿十二月太白晝見

嘉定二年己巳秋長沙大旱

十一年戊寅八月木星流守東井

十六年癸未九月朔日食於軫

元

世祖至元二十一年甲申太陰犯軫

仁宗延祐三年丙辰夏饑

泰定帝泰定二年乙丑夏旱

明

太祖洪武二年己酉饑

二十三年庚午大有年

二十五年壬申饑

成祖永樂二年甲申七月大水

九年辛卯大水成災

十二年甲午旱成災

二十年壬寅大有年

宣宗宣德元年夏大旱

二年丁未夏秋旱

英宗正統三年戊午旱 文廟芝草生

天順二年戊寅饑

憲宗成化元年乙酉 文廟芝草生

四年戊子芝草復生

十三年丁酉夏旱

十四年戊戌饑

孝宗宏治八年乙卯旱苦竹花開楓樹生李實黃連生黃瓜

武宗正德二年丁卯慶雲見於翼軫 占者以為世宗起於興邸之瑞

世宗嘉靖元年壬午大水沒城郭七日風雷電大作沿江地

震至嶽麓山而定

七年戊子六月不雨

十年辛卯府治後桑園產芝三本

十二年癸巳產芝一本

二十三年甲辰大旱

二十四年乙巳春夏大饑

三十九年庚申夏大水浸城郭

四十一年壬戌有虎見舊南門外

四十四年乙丑大水

穆宗隆慶二年戊辰大旱

神宗萬曆十一年癸未旱

十五年丁亥春大凌

十六年戊子大水米貴

十七年己丑春大雨大水四月至九月不雨通郡大疫死者枕籍

三十一年癸卯地震

四十年壬子夏大水五月後不雨至九月雨

四十一年癸丑五月大水沒城郭七月有虎自西湖橋至南

門外

四十二年甲寅至丁巳俱大水

熹宗天啟元年辛酉正月大凌大椿橋劉宅六人一夜俱斃

五年乙丑六月熒惑入南斗米貴江河缺魚

六年丙寅閏五月丙戌霧重如雨

莊烈帝崇禎三年庚午六月太白經天

四年辛未七月十一日丑寅刻鄉城地震有聲九月雨黑水
小西門內人家生豬一目六足二尾雌雞化爲雄十月初八
寅刻地復震

五年壬申七月夜半地震十月又震 九月雨黑水

七年甲戌二月大風雨黑冰如指後雨黑水

八年乙亥正月日有黑光磨盪黃霧四塞

十一年戊寅三月大風雨雹

十二年己卯三月地震

十三年庚辰大水被災田無收

十五年壬午三月至六月不雨

十六年癸未五月日將西見黃龍二道擗日腳廣各二丈七

月始散

國朝

順治四年丁亥大饑斗米銀六錢

五年戊子虎晝食人

六年己丑大疫堅冰蔽江而下剗壞民居七月初二夜白氣

西起如匹練光芒燭天

七年庚寅大有年

九年壬辰四月至九月不雨禾稻幾絕種斗米四錢竹結實

味甘可食

十年癸巳三月大風雨雹歲歉冬大雪凌兩月

十一年甲午大有年

十二年乙未大水蠲逋賦嶽麓有白氣如竿直起形如戈戟
十五年戊戌九月十二自午至酉橫江雲霧中成戈戟萬刃
排空踰時始沒

十七年庚子有年蠲免十二年至十五年逋賦

十八年辛丑有年有虎自西湖橋至碧湘街

康熙元年壬寅蠲逋賦

二年癸卯有年奉頒賦役全書於州縣

四年乙巳大旱大風拔木竹結實如麥可食釀酒味甘蠲順治十

六年至十八年逋賦

六年丁未五月螟

八年己酉大有年是年官員派取土產罷知府按屬勅禁

九年庚戌大有年是年巡撫盧奏湖南官員捏報墾荒田租 詔悉免之

十年辛亥旱蠲賦十分之二

十二年癸丑八月初二日起至十六日火災一日數發民不

安居鬼車夜鳴次年滇逆吳三桂反

十八年己未大旱

十九年庚申大饑冬長星見西南數十日

二十年辛酉有虎患豁免十七年以前逋賦

二十二年癸亥冬大凌木介

二十五年丙寅穀貴免秋糧

二十七年戊辰歲歉免地丁錢糧

二十九年庚午三十年辛未均大有年

三十七年戊寅大有年

四十年辛巳大有年

四十二年癸未旱成災出穀賑濟

五十年辛卯大有年普免天下錢糧

五十二年癸巳大有年冬大河冰結可行

五十五年丙申虎入城

五十六年丁酉產嘉禾一莖數穗

巡撫李發甲作樂歲亭

六十年辛丑湖湘書院生芝草

雍正五年丁未大水

六年戊申大有年

七年己酉產嘉禾一莖三穗五穗九穗

八年庚戌水成災州縣錢糧徵三免七慶雲見

九年辛亥十年壬子俱大有年

十一年癸丑五月大水平地深五六尺漂沒人民房屋牛馬

無算山多坍塌

十二年甲寅五月慶雲見城東產嘉禾一莖九穗

乾隆元年丙辰大有年

六年辛酉冬彗星見西南隅至次年二月乃止

七年壬戌三月初二初三民間訛言兵至紛逃逾日乃定冬

大冰

八年癸亥彗星見室壁閒經月

十年乙丑大旱池塘盡涸溪澗斷流冬大雪蔬菜幾盡

十一年丙寅十二年丁卯牛疫斃幾盡耕者以人代牛四月初九夜有白光如練起西南流西北忽聚空中震響而散

十六年辛未五六兩月無雨晚稻半收

十九年甲戌大有年

二十年乙亥自正月至五月雨不止鬼車夜鳴

二十一年丙子大有年

二十四年己卯大河冰凍

三十年乙酉米價陡貴奸民統眾向官號糶戮首犯一人

三十五年庚寅夏彗星見東方長約四丈許

四十三年戊戌大旱歲歉蠲免丁糧賑恤飢民

四十四年己亥蟲食苗心米貴歲歉

四十五年庚子自九月至次年三月乃雨竹木枯死

五十年乙巳四月至七月不雨民間汲水澆禾米貴

五十一年丙午旱歲歉

五十六年辛亥大有年冬大凌

五十七年壬子大水濱河禾稻無收

五十八年癸丑九年甲寅俱大水

嘉慶元年丙辰大有年

三年戊午大有年冬大凌樹木介

五年庚申有年九月二十八雪深尺許

六年辛酉大水米貴是年奉示賑饑城中唐存性倡捐銀五百兩陳遠播遠澤捐銀三百兩劉世棠

世杰三百兩林大器二百兩周輝瑩一百兩王樹承辦饑民受惠

七年壬戌旱四月至六月不雨歲歉

八年癸亥九年甲子十年乙丑十一年丙寅均有年

十二年丁卯大旱自四月十七不雨至七月初十始雨中稻

無收蓄稻孫者全收次年減糶城中唐存性捐銀一百七十兩劉世棠世杰一百二十兩陳遠璠遠

澤一百兩

十四年己巳大水濱河禾稻無收

十六年辛未旱歲歉

十七年壬申大有年八月彗星見

十八年癸酉夏旱鬼車夜鳴米貴

二十年乙亥大有年

二十一年丙子大水濱河禾稻無收

道光元年辛巳日月合璧五星聯奎大有年

三年癸未大水米貴

五年乙酉六月禾熟未割上游蛟水轟溢板屋蔽江人浮至

昭潭一帶尚有漁舟救甦者吳七撈女身尚活掠金蠟棄女於水次夜有人擊背疽發月餘

死十月地震

八年戊子春冬旱

十一年辛卯大水圍垵多潰低田無收冬大雪

十二年壬辰春疫夏水大饑

十三年癸巳三月大水西南城外河街一帶房屋淹塌無算

五月蝗

十四年甲午大水潰圍米貴七月十五夜月華冬大凌

十五年乙未大旱歉收飛蝗蔽天冬穀價轉賤

十六年丙申有年穀賤

十月二十五日夜自東至西有白氣如匹練十一月十八日亦然

十七年丁酉元日辰刻西鄉東門嶺一帶落黑子如豆

十九年己亥大水

二十一年辛丑大水

二十三年癸卯二月初八日夜有白氣斜貫東北隅

二十四年甲辰五月蛟水晚稻無收錢漕緩徵

二十五年乙巳穀賤自十五年起連年俱穀賤斗穀約錢五十文錢價兩銀換錢二串內外售田之戶百租得銀五六百

兩無受主中下戶苦之

二十六年丙午春霖雨夏旱

二十七年丁未自上年九月不雨至四月乃雨耕種失時復傷於螟歲大歉

二十八年戊申七月大雨連旬禾生耳始傳焙穀法詳志末卷

二十九年己酉大水下流濱湖圍垸俱潰飢民麋集穀價頓昂斗米千錢城廂內外官紳捐貲並發常平倉穀設粥廠行

賑濟諸法詳志末卷災民數萬全活無算

三十年庚戌有年

咸豐元年辛亥有年彗星見西方八九月兩月三更後城垣有聲如吹角由東南至西北甚速鄉村出野狗傷牲畜

二年壬子八月有長星見西指南太白經天七月二十八日

髮賊撲城

詳後兵難

三年癸丑大水二月初四日東鄉大風折樹斃人六月長星見秋大風歲歉緩徵錢糧

四年甲寅旱髮賊復由甯竄潭西路被害

五年乙卯穀賤巡撫駱更定錢糧章程剔除積弊

七年丁巳夏城隍廟災秋冬旱飛蝗蔽天行捕蝗諸法

詳志末卷

八年戊午春蝻子徧生官紳設局收捕五月大雨蝻種無遺

九年己未二月火藥局災

局設府城隍廟火發時聲如巨雷十數里戶牖皆震烟燄蔽天殘燬

斷桷騰空飛墮一時轟斃人物甚眾

十年庚申奸徒以天主教煽惑愚民奉 憲拏禁歲歉冬大

凌木介

十一年辛酉夏大風拔木六月長星見干天市垣七月二十

四許家橋雷擊兩人同斃

背有篆書莫辨傳係拾貲棄遺孩報

冬大凌

同治元年壬戌夏旱七月彗星見北斗冬大凌竹木多折

二年癸亥春霪雨夏旱不害稼

三年甲子正月大凌二月大雨雹秋旱飛蝗食竹

五年丙寅五月大風拔木覆舟九月初七夜流星西隕有聲

如雷十二日夜天雨黑子狀如小豆二十六夜參昴之次有

光如月而碧初起如匹練漸轉如車輪閃耀良久乃滅

六年丁卯九月復雨黑子如菽十一月初二戌時空中有聲

如巨雷踰時滅

八年己巳二月二十八日辰刻晝晦逾時四月十二日大風
拔木大雨連日城中水深數尺牆屋多圯下游饑民就食鄉
城絡繹官紳籌款賑送

九年庚午城東白田鋪民家產豚一頭兩身六足石燕鋪民
家乳雞四足

十年辛未四月粵南貢三象過境供億頗繁八月十五夜月
華成采

十一年壬申秋冬旱彗星見北指南奸民哥老會搶案疊出
一案立決七人巡撫劉出格殺勿論告示委官帶勇嚴拏其
風始息

十二年癸酉夏旱六月有虎見豹子嶺磨盆山爪傷四人俱

未至死冬大凌

十三年甲戌蟲食松葉殆盡民家豚子有八足兩首之異

光緒元年乙亥大有年

二年丙子夏大水歲歉五六兩月太白晝見城鄉有妖人用
術翦人辮雞羽之事又有洋人來省通商之謠人心惶惑經
憲示諭始安是年糧憲夏獻雲任內署中生嘉禾五莖結實
甚茂

兵難附紀宋元符置邑以後事

宋

高宗建炎三年九月潭州禁卒作亂十二月潰卒杜彥自袁州入瀏陽犯省通判孟彥卿率民兵拒之賊退瀏陽彥卿追之俄民兵自潰彥卿死之 金人圍潭州守臣王淑棄城走四年二月金人自江西移兵潭州登城縱火向子諲率官吏奪門遁城遂陷成忠郎趙聿之巷戰罵賊死將吏王暎武經郎劉价亦死之金兵屠城

紹興元年三月孔彥舟焚掠潭州趨衡州四月馬友引兵入潭州五月彥舟引眾過潭友迎擊大敗之彥舟趨岳州七月以友權荆湖東路副總管趣討彥舟八月知鄂州曹成掠湖西奄至潭州馬友率兵與戰成敗

二年二月楊華復叛擾及潭州

四月李宏引兵入潭州先是岳飛率馬友李宏共討曹成諸盜至是宏執友殺之韓世忠遣統制解元巨振至潭州執宏以歸

七月韓世忠移兵長沙討劉忠大破之斬忠首

景定元年二月元將兀良哈解前鋒至潭州攻圍急湖南制置副使向士璧極力守禦聞後隊且至遣王輔佑率五百人往覘之以易正大監其軍會劉雄飛逆戰於南嶽市有功潭州圍解俘民獲還者甚眾

理宗開慶元年元將兀良哈台圍潭州

恭宗德祐元年十月元阿里海牙陷潭州湖南安撫使知州李芾親冒矢石大小數十戰

二年正月元兵陷潭州李芾力盡城破闔門死知衡州尹穀亦舉家自焚參議楊霆及幕屬陳億孫顏應焱皆從芾死守將吳繼明劉孝忠以城降阿里海牙分遣官屬招徠湖南州郡相繼降

元

順帝至正十二年二月徐壽輝偽將陳友才據潭州

明

成祖永樂四年長沙妖人李法良反

以十萬眾入山民不堪擾多從法良為亂

命豐城侯李彬討之禽法良

時建北京宮殿遣吏部侍郎師達往湖湘採木

崇禎十年丁丑臨藍土寇犯省城攻湘春門千戶胡一龍率

眾守禦中矢死時城堞傾圮城兵老弱數百人兵備副使高

斗樞建飛樓四十座大修守具賊艘二百餘由衡抵城下相

距二十餘日始卻去巡撫陳睿謨痛勦之斗樞獨當南面數

十戰始平

時廣西開礦臨武藍山人爭赴之聚眾劫掠遂成流寇湖南數州縣被害

十六年癸未獻賊犯長沙五月賊張獻忠陷武昌明鎮臣

左良玉勦之獻賊南走岳陽沅撫李乾德等守岳州不能支

遂陷巡按御史劉熙祚護桂藩湖廣巡撫王聚奎護吉藩俱

奔衡州八月二十五日獻賊入長沙總兵尹先民降推官蔡

道憲抗節罵賊死賊縱兵掠州縣湘陰知縣楊開甯鄉知縣

邱存忠長沙照磨莫可及攝醴陵縣事賴萬耀等皆死之賊

進陷衡州執劉熙祚聞嶺表兵出梅關復退走過甯鄉蹀血
千里割人手鼻如邱熙祚不屈死之朝廷以河南參政何騰
蛟巡撫湖廣至武昌與左良玉盟誓勵兵殄賊

十七年甲申正月左良玉擊獻賊至長沙 時李乾德請告

德所署湘鄉土弁王祥彭東四等自署都督掠紳士富民炮

烙劊剗焚廬舍殆盡 羅賢胃賊陷長沙始末記張獻忠沿江

上設兵嬰城參將崔文榮曰守城不如守江守江不如守漢

磨盤煤灰諸洲淺不過馬腹縱之飛渡而嬰城坐困非策也

議賊不從武勝門文榮率諸軍拒之多所殺傷楚府新募兵為

獲賊內應開門迎敵文榮躍馬大呼賊攢刺之洞腋死大學士

賀逢聖同守門城陷歸衣冠北向再拜以巨舟載家口出墩

子湖至中流鑿舟俱溺逢聖屍沈百七十日不壞十一月始

葬長史徐學顏與賊戰斷左臂右手持刀不什賊支解之楚

宗多從賊者賊執楚王盡取宮中百餘萬金數百車載不盡

以復輿籠王沈之江屠士民數萬投屍江中尚餘數萬人驅

之出城以鐵騎圍而蹙之入江浮屍蔽江而下其餘民數百

多別斷手足鑿毀耳鼻無全形者賊據武昌號京城僞設六

部甯蒲圻距岳州二百里沅撫李乾德總兵孔希貴移屯岳

州居民他避令軍中詐為居民開門迎賊入城伏發盡殲

四賊割耳貫箭縱回以辱賊賊怒益兵進攻乾德虛立營壘

於道旁林中立旗幟伏矢礮積薪其上賊以火攻之延燒積

薪礮發斃賊數百賊益怒水陸並進乾德飭戰艦中流向賊

營度矢石可及遂止不進賊連弩射之乾德度岳州力屈城陷

水陸奮擊三戰三捷獻忠乃率眾二十萬圍岳州賊矢流既盡

乾德希貴俱走長沙賊前鋒至湘陰民空城走獻忠欲北渡

卜於洞庭神不許歛舟湘陰將北渡大風覆舟餘賊復還岳

州盡殺所掠婦女投屍江中焚其舟火延四十里遂陸行向

長沙至城下李乾德奉吉王惠王走衡州長沙陷推官蔡道

憲死之初賊至城下呼推官曰吾軍中皆知爾名爾速降道

憲強弩射之攻三日夜賊道憲執道憲百計誘之不屈磔之健

卒凌國俊等九人追侍道憲賊不降爾亦不得生國俊曰若吾

府至長沙造宮殿遣兵追三王巡按劉熙祚督水師禦之護
葬畢自經賊陷衡州桂王及吉惠二王走永州獻忠拆桂王
夕葬主骸而死賊義而許之於殺之內四卒奮然願且延旦
輩願生亦去矣不至今日賊日不降爾亦不得生國俊曰若吾
可降亦去矣不至今日賊日不降爾亦不得生國俊曰若吾
葬畢自經賊陷衡州桂王及吉惠二王走永州獻忠拆桂王
府至長沙造宮殿遣兵追三王巡按劉熙祚督水師禦之護

三王入廣西而自死守永州題絕
命詞於永州驛壁罵賊城陷遇害

國朝

順治二年乙酉李自成餘黨亂湖南 九月明何騰蛟撫降
劉體仁郝搖旗等時自成兄子錦奉自成妻高氏及高氏弟
一功擁眾無主騰蛟馳檄與巡撫堵允錫往撫之稱詔勞師
易其幟曰忠貞營騰蛟遂增兵數十萬乃署總兵楊國棟為
後營王進材為新營拜表出師

三年丙戌正月明何騰蛟徵十三鎮兵會岳州遣同知謝允
謙勸士民輸義餉合長衡寶永四郡止數千兵日飢
四年丁亥二月餉乏兵潰王進材楊國棟走甯鄉所至焚掠
刀火之聲不絕三月恭順王孔有德等克長沙

五年戊子十月堵允錫驅闖孽牛萬才馬進忠等自甯趨長
沙湘潭水陸並進力攻郡城總鎮徐勇勵將士守禦凡二旬
擊卻之十二月復自衡湘合眾而下勢復振時諸郡皆陷獨
長沙堅守待援知府張宏猷持法嚴峻弁卒奮勇眾宵遁允
錫退據湘潭與騰蛟會知天命有歸不覺相與大慟允錫率
所部折入粵嶺長沙平

六年己丑正月定遠大將軍和碩親王帥師至湘潭獲明督
師大學士定興侯何騰蛟使降騰蛟踞地坐瞑目不食七日
死允錫以病卒於粵東

也載

舊志載何騰蛟在今大西門外流水橋殉難蓋因湘潭亦有流水橋而誤

八年辛卯八月桂王由榔將孫可望自嶺表來侵長沙

九年壬辰六月邵陵師潰直抵長郡長沙大震
十四年丁酉孫可望挈妻子至長沙來降

康熙十二年癸丑十一月平西王吳三桂反自雲南陷沅州
十三年甲寅二月吳逆遣偽將軍張國柱陷長沙 時寶衡
常永岳皆陷遂僭號稱周元年設偽官徵餉並徵銅鐵硝磺
凡十餘項羽檄飛催民苦蹈湯火逃徙死亡無算

上命多羅順承郡王爲甯南靖寇大將軍帥師分道討賊七月護
軍統領桑遏將軍尼雅翰與副都統甘度海等合兵自袁州
取長沙夾攻岳州九月吳三桂復遣偽將率猱猱犯長沙
十四年乙卯吳逆預徵丙辰年地丁錢糧並雜項甚夥秋七
月徵南米解萍鄉賊餉民有死杖下者

十五年丙辰正月僞協鎮黃正卿駐瀏陽安設塘卡民多逃
匿二月

王師恢復萍鄉十七日僞將軍夏國相退長沙合馬三寶等悉
力固守十九日

王師至長沙於南門外金盤嶺老虎坡等處立柵築長圍延袤
二十餘里以困之九月征南將軍穆占率陝豫兵會討
十六年丁巳二月征南將軍穆占帥兵至長沙劄營峩嶺
三桂由常德入長沙周遭築壕固守親率賊黨與征南將軍
穆帥連戰皆大敗走衡州

十七年戊午閏三月吳三桂僭稱帝於衡州僞號昭武八月
三桂死

十八年己未正月逆孫吳世璠僭位於貴州號洪化

王師復岳州賊黨相率奔潰二月初一日

王師入省城長沙遂平

二十四年乙丑無為賊倡亂長沙事發被擒

咸豐二年壬子七月二十八日廣西賊犯長沙 粵西叢莽

夙有伏戎道光二十七年歲大饑盜四起巡撫鄭祖琛老病

好佛不能制會湖南土寇雷再浩李沅發連年竄擾粵境雖

小醜伏誅而渠魁未殄粵有陳亞癸歐祖潤山豬箭山羊頭

顏品瑤等各黨數千負嵎劫掠其最著者花縣之洪秀全為

金田大股復有奸民朱九濤倡煽妖邪曰上帝會秀全與同

縣馮雲山往師之推秀全為教主逆黨曾玉珩蕭朝貴楊秀

清韋昌輝石達開等遂以天主教惑眾秀全自稱病死七日復蘇能知未來事天

下將有大劫惟入會拜上帝可免凡人會不稱師徒稱兄弟

婦女稱姊妹又以西教崇奉耶穌撰天父名目謂天父名耶

火華耶穌稱其長子秀全其次子遂稱耶穌為天兄秀清

附會之屢稱天父下凡神附其體謂人陰事眾奉為神 裹紅

巾蓄長髮倡亂鄉邑時承平日久軍政廢弛逆黨裹脅日眾

上調固原提督向忠武榮字欣然蜀人從楊忠武擒張格爾有功由固原調廣西提督 赴粵旋

命前陝督林文忠則徐視師薨於道乃

命江督李文恭星沅為

欽差大臣而以前漕督周文忠天爵署廣西巡撫會辦師行不利

咸豐元年賊擾至貴縣武宣平南入象州境先是向榮兵攻大黃江墟策賊

必竄武宣帥師倍道援武宣甫入城賊至武宣據峰巔官兵仰攻不利 三月李文恭病與周文

忠向忠武會詞疏請

簡放總統將軍以一事權

上命大學士賽尙阿為

欽差大臣賜遏必隆刀發京餉二百萬率總兵達洪阿都統巴清

德侍衛開隆阿等馳往督辦廣州副都統烏蘭泰為幫辦鄒

壯節鳴鶴為巡撫四月李文恭薨於武宣時李文恭聞武宣

視師病益劇乞假請關防暫交署撫周天爵監用奉旨著回籍六月賽相至粵諸將屢有

戰獲八月賊竄永安州城僭偽號九月賽相移營陽朔諸軍

議用長圍向忠武主用圍城缺一古法伏兵截剿二年二月

賊衝突出圍我軍乘勢追剿烏武壯礮傷陣亡值大雨伏賊

突起戕總兵董光甲等總兵長瑞邵鶴齡長壽參將直趨桂

林向忠武先抵桂林賊未至桂林向榮聞警單騎率部下七

人開道出賊前抵文昌門周視城垣為

守禦計官軍亦陸續至賊用呂公省城被圍三十一日時升

車攻城榮發礮衝擊賊死無算勇赴援桂林東岸三戰皆捷

州焚壽佛寺全州踞湘上流若賊由永衡順流可徑達長沙

舟微服直走長沙居民以賊蹤不遠倉皇轉徙嗣程督聞賊走道州乃復回衡民志稍定江忠源率所部

繞賊前駐下游蓑衣渡以截竄南省之路適僞南王馮雲山

中礮死犯永州不克乃由東岸趨道州提督余萬清棄城走

城遂陷六月連陷江華甯遠七月陷郴州踞之郴當廣州之

忠源合諸將壁其三門相持二十餘日衡商賈雲集訓知長沙兵單分遣僞西王蕭朝貴率

黨二千餘人竄陷安仁攸縣時河北鎮王家琳率逕趨醴陵

以圖直犯長沙總兵和春常祿李瑞德亮俱尾賊後前途驛

梗文報多遲時省城設有偵探不敢七月二十四日幫辦軍

務羅文僖繞典命安化人前湖北巡撫服闋奉與署臬司周顥

至跳馬澗踏勘營盤駐兵防堵聞警回省二十七日上午調

派陝西新到西安鎮總兵福誠潼關協副將尹培立移營東

路石馬鋪之赤岡嶺時川陝官兵奉調乃營壘未完傍晚賊

已至洞井鋪沿岡嶺一帶是日各處鄉團勇均聞風潰散

家假言安民婦次早分三路撲赤岡嶺營福尹二將兵僅盈

千眾寡不敵同時陣亡數日後尹尸得於白衣菴胸前金牌

尸亂軍中無所得後陝西弁兵傷七百餘名後賊去照冊點

福諭壯武尹諡簡毅陝西弁兵傷七百餘名收遺骸葬石馬

鋪山詳幸一弁血身隻靴飛騎入報城中在事文武始知賊

至匆促閉城羅文僖方外勘土城急轉大西門入先是南城

鋪行棧極多議擢土城以使無是軍城已被襲矣先是省城

蔽之本以衛民不啻保賊

駱秉章奏調沅州協朱翰管帶九溪等營官兵千四百名於

四月間防堵湘潭驛路駐營金盆嶺借拏奸細鄉民苦之迫

八月二十七日間警兵勇先潰次早騎馬拚命渡時城中存

河賊遂轉黃土嶺撲其空營得器械鎗礮無算

四川官兵千四百名江西官兵千名巡撫駱秉章候代未去

時駱撫因蜚語改任新撫張與羅繞典提督鮑起豹先是賽

亮基駐兵常德逗遛不進有由醴犯省之信檄湖南相聞賊

提督鮑起豹赴省鎮守率撫協各標同時登陴並派在城

紳士帶勇分守一面遣兵下城擊賊一面焚毀城外房屋時

大小西門城外尚無賊踞先火民廬以防竄駐唯南城外如

古樓門碧湘街興隆街理靈坡社壇嶺靈官渡等處接棟連

甍磚牆林立雖懸重賞縱火不及賊佔屋廟屯踞遇火即撲

而馬姓高房履升典屋尤與南城緊對賊窟其中於牆隙開

放鎗礮遠而洪恩寺金剛院城南書院高峯寺等處近而西

湖橋金雞橋一帶均為賊踞時朱翰帶領潰兵渡河轉連日

於妙高峯雲壇坪輦土壘石造臺架礮晝夜轟發益以火箭

火彈梭擲勢甚猖獗賊初竄時人心惶惶各貿閉市藩司潘

城二十八日賊至二十九日接篆徒步街市開諭商民照常

貿易接見紳士商辦戰守並厚給兵勇衣糧獻捷重賞一時

兵民惟舞幾於計無所出八月朔在事文武官紳時長善紳

守多人相護保城如長沙陳本欽黃冕湘陰李星漁善以縣

城隍 定湘王靈蹟素著擬迎鎮南城玆卜吉邑侯王葆生

遂肅 神輿登城樓與鮑起豹輪值謹守乃賊乘夜昏黑緣

梯撲城經川兵殺退旋於南門洞口剜鑿門屢復經川兵拋

擲火桶斃賊多人稍卻尋又於城外焚毒煙悶塚勇以圖乘

機搶登復北風大作反撲賊壘賊計乃蹙初五日早賊用巨

礮轟攻南城時省城兵單飛催四路援兵適雲南楚雄協副

將鄧紹良統帶鎮守官兵由湘潭拔營赴省奮勇出隊城中

知援兵得力人心漸安初九十日鳳凰廳同知賈亨晉永綏

協副將瞿騰龍各帶兵勇千名赴援連日綏靖鎮總兵和春

貴州鎮遠總兵秦定三河南河北總兵王家琳副都統銜頭

等侍衛開隆阿候補府江忠源均由衡先後帶兵趕到分駐

南城外天心閣下及小西門河畔十八日廣西提督向忠武

由粵兼程赴省甫至即周閱城垣見城外履升典高牆賊倚

為蔽非巨礮難於攻破聞草湖門城上舊有三千斤大礮即

飭移南城天心閣親發機石前向未到時有議開大礮恐驚

試用向至將履升典高牆漸次轟倒白沙井鰲山廟一帶民

即行拆毀

屋亦被轟塌斃賊多人先是賊在廣西得有銅礮在城外開
放無論鉛鐵釘塊飛入城內傷人亦多向用此礮適一鉛子
中入礮眼將銅礮炸裂並轟斃僞西王蕭朝貴二十日向提
軍與和總兵分路進剿毀賊壘拔木柵賊乃於牆隙鎗礮齊
施雜以火罐參將鄭魁士帶傷攻打賊冒死抗拒終難得手
我兵勇受傷一百四十餘人陣亡十三人計斃賊亦數百人
時向軍門因廣西攻剿失利 維時適接衡州程督來咨大夥
奉旨革畱稍挫其銳 賊匪於八月十一二日分股竄出郴州直來犯省二十二日
向軍門派和總兵秦總兵知府江忠源分帶兵勇迎剿甫經
出營賊眾數千紛至直撲蔡公墳營分隊由東路襲我軍之
後俱經我兵勇迎擊得利惟貴州參將任大貴衝鋒陣殞清

江協德安傷腿江忠源遭伏賊矛刺傷遇救免此次接仗我
兵亦多損傷二十四日新任巡撫張亮基入城

時張撫在常
咨調援兵遷

延不進奉 旨嚴飭勉強赴省先是潘行重賞意圖滅此
朝食鎮守官兵不勝踴躍因新撫吝賞不行兼程督在衡來
咨諸用樽節致各營兵勇多不肯 効力官紳亦漸不能如一氣 時鎮守等處官兵連營於

瀏陽小吳門外賊連日夜於魁星樓城外金雞橋挨城一帶
攻擊地道城內穴地埋大缸甕令瞽者伏聽於聞鋤鏹聲處
迎掘衝破灌以穢水薰以毒煙但慮防不勝防向軍門復派
鄧副將所轄鎮守兵瞿登龍所帶兵勇入城游巡以備不虞
乃城內稍為部署而九月初一日洪逆大股果全數竄省勢
甚洶湧初二日由閒道攻撲小吳門瀏陽門營官兵迎擊追
奔至陳家壠截殺無數時常馬王李四鎮分帶官兵並參將

德某守備張國樑等國樑原名家祥金田會匪道光三十年與其黨大頭羊歸順廣西巡撫勞崇光功賞以翎頂至是檄調赴省有統帶捷勇潮勇仁勇由郴尾追一路騷擾至跳馬澗住宿不進向軍門羽檄飛催始於初三日至桃花段洞井鋪井灣黃柏橋等處地方分營結壘宰殺猪牛拆毀民屋鄉民逃走一空時潮勇捷勇仁勇擄掠奸淫鄉間老幼婦女盡行逃走棟宇房廊牀櫃棹椅拆燒望火猪牛穀賊乘我軍之猝至米銀錢食物上下二十里內罄洗無存也半夜中途埋伏黎明分三路撲營我軍初至未敢出戰俱於營內施放鎗礮賊乃由黃柏橋偽敗退至井灣意待追趕伏截不料井灣我軍紮有一營鎗礮齊施前後受敵而各營大隊乘勢追殺由桃花段追至顏家衝斃賊四百餘人生擒長髮五十七名就地梟示自賊逆竄省屢有攻戰惟此次全

獲勝仗軍威大振初五日向軍門飛飭各營分屯東自小吳門瀏陽門外里許迤南自二里牌至新開鋪龍潭灣抵河邊一帶深溝長壕坐困圍剿殊賊詭由朱張渡過河分屯靳江河市鋪屋並搭造浮橋往來如織時河乾水淺賊用枯餅填塞上蓋木板初六日延擾及象鼻壩龍迴潭等處而洋湖晚稻正熟亦齎寇糧矣初七日分擾嶽麓金牛嶺焚劫滌灣市向軍門遂移營河西以扼之初八日城內官兵於南城內掘穿賊隧登時堵塞預修月城開內壕截覓隧道十二日河西向軍門戰捷張國樑於南城外攻破土城殪賊百餘時賽相九月十日由省取手劍賜張國樑更副將頂戴未幾賽相解職速京程督解職糧臺効力徐廣縉由廣十督授欽差大臣調擁重兵駐紮湘潭再三咨請不到十三日官兵焚南路望樓賊未到時南城外防堵設有望樓連日又覓賊洞數

處自此我兵戰無虛日漸有輕敵之心十八夜賊焚牛頭洲民房十九日官兵出牛頭洲擊勦賊佯敗我兵乘勝追殺不意羣賊先伏樹林截圍我兵中伏死者枕籍河南兵尤多溺亡至二十七日張國樑擊賊於金盆嶺勝之二十八日河西及南城外各營約同會勦此時環城之賊勢甚窮蹙不期穴地之賊地道直通城內天妃宮前暗埋地雷火藥於城根二十九日未刻地震南城磚石飛騰傾塌牆垛五丈有奇賊眾蜂擁撲城呼聲震天城內居民盡向北城圖縋而出婦女墜井投環勢如鼎沸時各處兵勇皆脫號幸鎮守兵適營於南城府文廟側鄧副將迅率所部登城手刃上城悍賊復投藥桶薪油以斷賊路鄧副將礮洞右臂肩中矛傷猶下城率部

勇與其弟守備紹英大呼退後卽斬時賊營礮彈如雨鄧蹕厲自若由是和總兵張副將各帶兵奔救逾時賊退撫軍張亮基藩司潘鐸臬司周顓郡守倉景恬相率登城立示重賞亟取木板囊沙兜塞城外頃刻壁立內城則取街石加砌完固人心稍定是役也非鄧副將身先士卒拚効死力則省城數十萬生民岌岌殆矣十月初二日午刻賊又穿地道至金雞橋南城右角置地雷轟崩城堞震傷多人火遇風反賊多傷死江忠源部將徐以祥及綏靖鎮兵極力堵殺鄧副將一小弁乘釁斬獲偽先鋒曾自南官兵趕殺數百賊勢頓挫初三四日當事計賊將竄差令箭循河諭各船隻遠避奈靳江一帶枯船漁舟先爲所擄故賊得暢行無阻然賊壘所在官

營兜環以遊釜之魚為困獸之鬥十八日五更復有多賊暗
用長梯數十架於南城魁星樓側搶攻被鎮軍兵勇鉤奪長
梯爭搶旗幟賊勢更沮十九日我軍正擬會剿至夜三更忽
聞城外海螺四起大河東西兩岸火光燭天而城外官兵探
報賊大股全數已由河西小路潛遁矣先是在城當事恐賊
竄走已於河西龍迴
潭一帶派有兵勇堵截奈我兵見賊即潰西鄉一帶如桐木
橋白箬鋪等處俱被焚燒張姓一門設團練勇被賊衝殺殉
難十餘人總計粵匪攻城三次地道屢轟兇悍異常而危城八十
一日獲保安全雖賴

天威震疊將卒同心而赫聲濯靈則 定湘王捍患禦災厥績尤
偉二十日黎旦向提軍檄各將帶兵追剿賊已由益陽甯鄉
直竄岳州湖北提督博勒恭武駐師岳州聞警先潰賊乘虛

陷岳自是陷鄂陷皖陷金陵及蘇浙流毒已徧數省矣楚南
數稱富庶城外闐闐縱橫寺觀壯麗賊去登城憑眺北門外
僅存東嶽行宮及養濟院而浮屠寶殿及鐵佛古寺俱經拆
毀南城外民屋壇廟盡被焚毀僅存城南書院妙高峯寺敗
瓦頽垣至近城鄉村始經粵賊蹂躪之害繼受潮勇擾掠之
害慘不忍言幸賴

社稷之靈楚軍終克京陵敵愾奏功殄滅遺種此
國家億萬年有道之靈長亦億萬生靈號咷後笑鼓舞而忭祝
者也

是役也幸免直竄之害得以閉城堅守者則陝兵飛騎警報
之力堵截分竄之路以免東門受敵者則江忠烈城外一營

之力所謂要害須守者我據之則為要賊據之則為害也向
忠武以久歷戎行得其部署調遣之功駱文忠虛懷下士得
有紳宦一氣之助至省垣轟陷百萬呼號能爭勝於呼吸之
頃則鎮守弁卒搶護之力為尤著焉迨後星垣解危而武昌
金陵相繼失陷幾貽南朝無人之譏豈真悍賊之不可制與
卒之南勇所至克復建功亦可見

朝廷養士之報流澤孔長矣

按向榮追賊至湖北時
賊回竄逗遛湘潭賊退十餘日始至長沙逮岳州失守乃進
屯益陽賊勢猖獗疾趨武漢副將朱瀚陣殞漢陽初四日武
俱潰十二月初三日向軍門追戰洪山獨力難勝初四日武
昌城陷滿城文武被戕由壬子十月二十日長沙解圍至正
月二十六日不滿十旬東南大局全壞上褫徐廣縉職
逮京治罪而以向榮為欽差大臣向鑄滅此朝食四字
於關防側可謂壯矣後賊踞金陵向逼城而營屢戰屢捷為

蘇常障蔽未幾因勞致病退營丹
陽薨於軍上震悼諡忠武

討粵匪檄

曾國藩 滌生

為傳檄事逆賊洪秀全楊秀清稱亂以來於今五年矣荼毒
生靈數百餘萬蹂躪州縣五千餘里所過之境船隻無論大
小人民無論貧富一概搶掠罄盡寸草不留其擄入賊中者
剝取衣服搜括銀錢銀滿五兩而不獻賊者即行斬首男子
日給米一合驅之臨陣向前驅之築城濬壕婦女日給米一
合驅之登陣守夜驅之運米挑煤婦女不肯解腳者則立斬
其足以示眾婦船戶陰謀逃歸者則倒掛其屍以示眾船粵
匪自處於富貴尊榮而視我兩廣三江被脅之人曾犬豕牛
馬之不若此其殘忍慘酷凡有血氣者未有聞之而不痛恨

者也自唐虞三代以來歷代聖人扶持名教敦敘人倫君臣父子上下尊卑秩然如冠履之不可倒置粵匪竊外夷之緒崇天主之教自其僞君僞相下逮兵卒賤役皆以兄弟稱之謂惟天可稱父此外凡民之父皆兄弟也凡民之母皆姊妹也農不能自耕以納賦而謂田皆天王之田商不能自賈以取息而謂貨皆天王之貨士不能誦孔子之經而別有所謂耶蘇之說新約之書舉中國數千年禮義人倫詩書典則一旦掃地蕩盡此豈獨我

大清之變乃開闢以來名教之奇變我孔子孟子之所痛哭於九原凡讀書識字者又烏可袖手安坐不思一爲之所也自古生有功德沒則爲神王道治明神道治幽雖亂臣賊子窮凶

極醜亦往往敬畏神祇李自成至曲阜不犯聖廟張獻忠至梓潼亦祭文昌粵匪焚郴州之學宮毀宣聖之木主十哲兩廡狼籍滿地嗣是所過郡縣先燬廟宇卽忠臣義烈如漢關帝宋岳王之顯赫亦皆污其宮室殘其像坐以至佛寺道院城隍社稷無廟不焚無像不滅斯又鬼神所憤怒欲一雪此憾於冥冥之中者也本部堂奉

天子命統師二萬水陸並進誓將臥薪嘗膽殄此凶逆救我被擄之船隻拔出被脅之民人不特紓

君父宵旰之勤勞而且慰孔孟人倫之隱痛不特爲百萬生靈報枉殺之仇而且爲上下神祇雪污燬之憾是用傳檄遠近咸使聞知倘有血性男子號召義旅助我征勦者本部堂引爲

心腹酌給口糧倘有抱道君子痛天主教之橫行中原赫然奮怒以衛吾道者本部堂禮之幕府待以賓師倘有仗義仁人捐銀助餉者千金以內給予實收部照千金以上專摺奏請優敘倘有久陷賊中自拔來歸殺其頭目以城來降者本部堂收之帳下

奏授官爵倘有被脅經年髮長數寸臨陣棄械徒手歸誠者一概免死資遣回籍在昔漢唐元明之末羣盜如毛皆由主昏政亂莫能削平今

天子憂勤惕厲敬

天恤民田不加賦戶不抽丁以

列聖深厚之仁討暴虐無賴之賊無論遲速終歸滅亡不待智者而

明矣若爾被脅之人甘心從逆抗拒天誅大兵一壓玉石俱焚亦不能更爲分別也本部堂德薄能鮮獨仗忠信二字爲行軍之本上有日月下有鬼神有浩浩長江之水幽有前此殉難各忠臣烈士之魂實鑒吾心檄到如律令毋忽

善化縣志卷之三十三終

善化縣志卷之三十四

叢談

廣雅能增離騷有續子政用叢談紀牒溫公將瑣語題籤雖云武倣文開義不編歸大誥亦或齊諧越紐詞堪採作遺文緣舊簡拾遺之名易續篇叢談之紀或近徵逸事或互證訛傳或意取箴規或文資考據摭言鯖笑鵠以駢存羅癸卣丁尊而磊積翦鐙餘話好教乙夜觀書入座雄談聊效酉陽雜俎此亦束皙補亡章淵贅筆之遺意也志叢談

長沙星與長沙郡古人命名義各有取或謂星以地得名或謂地以星得名均屬臆說按軫象車位巽主風行速而遠有萬里揚風沙之勢故中一小星有長沙子名則星名長沙不謂地也遁甲記沙土之祇雲陽氏之墟路史少昊氏胙土於長沙湘川記秦分黔中以南長沙爲長沙郡則郡名長沙不因星也因軫分荆楚軫中有長沙子星故名星沙此郡與星附會之言非卽郡因星命名之義

舊志嶽麓舊名靈麓稱嶽麓自宋始按唐杜甫有嶽麓道林二寺詩又杜荀鶴詩猿到夜深啼嶽麓僧人齊己亦有寓居嶽麓詩稱不自宋可知此不過言嶽麓之稱自唐也然岫屨禹碑有久旅忘家宿嶽麓亭之文是夏時已有此稱矣

府志司馬頭陀過長沙歎曰可惜水陸洲江水兩邊流富貴無三代清官幾到頭城河三洲曰水陸洲牛頭洲矮子洲皆斷而不相屬諺云三洲連出狀元嘉慶五六年間三洲沙壅如帶咸相賀以爲鼎甲之兆旋有嘉慶十年乙丑彭殿撰之應嶽麓爲名勝之區談風水者其說不一山長萬年茂明於地理云書院佳處當在自卑亭高阜昔人所謂嶽麓山前土一堆也乾隆壬子年山長羅慎齋建魁星樓於其處書院遂盛豈形勝所關眞足轉移人事乎

湖南方物志橘洲在善化縣西上多橘故名宋鮑照詩橘生湘水側菲陋人莫傳逢君金華宴得在玉几前唐李德裕橘賦貞枝凝碧蔚湘岸之夕陰釋齊己謝人寄橘詩洞庭栽橘

善化縣志 卷之三十四
似瀟湘綠遶人家帶夕陽楚志稱長沙橘洲在長沙縣四十里或曰卽今之興馬洲在善化縣南四十里因馬殷王長沙故易今名云

省城河水上自晏公碼頭起下至水符廟止每歲冬至後桶水多重三斤他水則否凡釀紹酒者多取汲於此當亦地氣使然縣西長衝坳係嶽脈過峽處有泉伏出兩旁南風泉北出北風泉南出則又因風而異又天鷲塘山麓有洞平遠約十餘丈與老龍塘通水亦利於釀酒但其流甚細耳

河西澹灣市橋邊古井泉流不竭井側古碑上刻九天應元雷聲普化天尊大約借爲鎮壓之用相傳井中有蟾吐氣聚則青紅輝映散則薄霧彌空康熙舊志所云湘嶽晴烘煙拖

紫翠如澹灣市一帶俱在氤氳五色閒爲八景山市晴嵐之一夫晴嵐不必盡由蟾氣山市不必指定澹灣而卽景生情前人之言亦非無謂

舊志載縣東五里相傳有三千三百六十七疑冢楚王馬殷築又稱殷子希萼所爲又云五百家者近是夫葬殷則殷不能自築史稱馬殷爲人謹厚卒葬上漢則非城東殷薨時希萼在朗州嗣殷而立者希聲希範也通志載楚王希範性奢侈疑冢當卽希範所爲第今城外高冢亦可僂計並無五百之多而明藩簡王悼王定王莊王惠王靖王諸墓亦在其內則所稱三千三百之說實爲左氏之浮夸明王莊詩疑冢何勞苦用心沒堆青草獨相尋屈原祇葬江魚腹畱得香風直

到今可爲作僞心勞者一嘅

張雄圖詩小池如井剛三尺傳道千人飲不竭一碧涵清不染塵都緣曾沁江門血府志載明月池爲蔡江門盡節處詩係題明月池按明月池水由大小四方塘而來出流水橋與詩所云三尺之井者形勢迥殊豈池有今昔滄桑之變耶又舊志載明月池在長沙星下故水不涸夫天秉陽垂日星地秉陰竅於山川成象成形理原相感然鄭恆仲論星與土以精氣相屬而不限於方隅一度有千里之遙占測當以山河爲限天文志以長沙一星附軫當以會垣在長沙星下不能拘定明月池在長沙星下方物志載白沙泉眼上應長沙子星故尺許之井足供全城之汲飲則直以白沙井應長沙星

爲言今忠烈江門之墓在理靈坡與白沙井相距尺咫一坏在望觸景興懷則以詩爲詠明月池也可卽以爲詠白沙井亦無不可也

長沙定王發母唐姬故程姬侍者景帝召程姬程姬有所避飾侍者唐姬以進上幸之遂有身已乃覺及生子名發以孝景前二年立以其母微無寵王卑溼貧國景帝後二年諸侯來朝稱壽起舞王但張袖小舉上怪問之對曰臣國小地狹不足回旋帝廣以武陵零陵桂陽益陽四縣後傳至五代王莽時而止賈生傳長沙卑溼長沙爲洞庭鄂渚上游地原不卑言卑溼者以地濱湘江土多粘膩耳

唐僖宗時劉建峯略地湖南鄆陵馬殷爲劉先鋒潭州刺史

鄧處訥發兵距於龍回關今跳馬澗建峯降其戍將蔣勗直趨潭州殺處訥僖宗授建峯湖南節度使殷爲馬步軍都指揮使建峯以淫軍卒妻爲卒所殺乾甯三年拜殷潭州刺史梁太祖卽位殷遣使修貢封楚王唐莊宗滅梁殷遣子希範復修貢明宗卽位封殷楚國王以潭州爲長沙府殷卒子希聲立三年希聲卒希範襲封長沙王範好學喜詩文而性奢侈作會春園嘉宴堂九龍殿刻沈香爲八龍飾以珠寶抱柱相向自爲一龍居中費鉅萬學士拓拔常切諫弗聽及臥病思常言以爲忠託以同母弟希廣拓拔常勸希廣以位讓其兄希萼廣不從希萼送款於李景舉兵攻長沙殺希廣漢乾祐三年希萼自立悉以事任其弟希崇希崇與舊將徐威謀作亂

刼希萼囚於衡山皆請命於李景景封希萼楚王遷洪州希崇領舒州節度使遷揚州周顯德三年希崇卒馬氏之族盡遷金陵矣初劉建峯定長沙遣馬殷領眾浚城壕得碣石篆云龍舉頭豸掉尾羊爲兄猴爲弟羊歸穴猴離穴解者以殷乾甯三年丙辰代立乃龍舉頭至乾祐辛亥國亡乃豸掉尾殷子希範己未生以開建丁未卒乃羊歸穴子希崇王申生後爲江南所俘乃猴離穴也又馬希振亦殷子清泰中卒葬縣之陶浦掘地得石碣文曰亂民之驥絕世之岡谷變庚戌馬氏無王蓋馬氏諸王雖於周廣順辛亥遷江南然其國之變實在庚戌劉世言爲馬氏將號劉齧牙童謠云馬去也不用鞭齧牙過今年又云鞭打馬馬急走其後周將邊鎬入長

沙盡俘諸馬氏劉亦被殺時邑處士戴偃因希範奢淫作漁父詩諷之範致之死麾下將士丁思覲上書諫削其官邑鄧翁曰不留心文武之道而甘侈縱喪無日矣後馬公子八百人皆餒死計馬氏自唐乾甯迄周廣順凡五十有七年兄弟攘奪徒以勢位恣奢淫亡也忽焉亦可鑒矣

王龍澤麗澤書院記麗澤書院乃呂東萊與朱晦菴張南軒三先生講道之所淳祐中建祠以祀東萊先生至至元中復修之而龍澤爲之記今城南書院 部頒麗澤風長四字之扁額當本此

朱夫子和張敬夫城南納湖麗澤堂書樓蒙軒卷雲亭月榭琮琤谷聽雨舫采菱舟南阜二十詠墨蹟字法俊逸大有晉

人風致而詩之清遠亦非宋人所及元尙書千文傳得之於婺源以贈常熟錢伯廣錢氏居於城南遂構城南齋刻詩其中而黃文獻潛爲之記至楊廉夫又錄敬夫原詩於其後惜不得當日張宣公手書與文公書合成一卷耳

錢大昕金石文跋稱韓退之禹碑詩道人一上偶見之又云千搜萬索何所有文人寓意不過子虛亡是公之流非真有見之者也宋何子一自言親至碑所模其文於嶽麓書院然當時好古之家皆疑其僞故歷元至明初罕聞於世自楊用修安于山輩展轉翻刻以爲古文復出予嘗見嘯堂集古錄模漢滕公石室銘文與此絕相似皆宋人之僞作可知古文籀篆學者不能盡通諸家釋音不無傳會耳孫退谷銷夏記

攷岫嶼碑有二本而歐陽集古錄趙氏金石錄鄭漁仲金石略俱未載其爲真僞不可知然字畫奇古非近代人所能爲自可寶也

文昌之祀其說有二一以爲天神天官書斗魁戴筐六星一上將二次將三貴相四司命五司中六司祿是爲文昌宮文昌之稱始此一以爲人鬼在周爲張仲在漢爲張良在晉爲涼王呂光在五代爲蜀主孟昶在姚秦之世又爲越嶲人張惡子立廟梓潼山唐明皇西狩追封左丞僖宗入蜀封順濟王宋咸平中改封英顯元延初加封輔元開化文昌司祿帝君帝君之號始此

程綿莊云孔子廟有靈星門詩小序絲衣繹賓尸也高子曰

靈星之尸也漢高祖始令天下祀靈星後漢書註靈星天田星也祭天先祭靈星宋史禮志云仁宗天聖六年築南郊壇外壇周以短垣置靈星門夫以郊壇外垣爲靈星門者所以象天之體用之於聖廟蓋以尊天者尊聖也晉史天文志文云東方角二星爲天關其間天門也左角爲天田其南爲太陽道右角爲將其北爲太陰道蓋天之三門也若以靈作樞則直以爲窗櫺之樞於義無取

陶公祠在南門外自晉至明俎豆弗替孝宗時邑令以其地太廣析其半與一貧孝廉居宅成方懸扁於門大風碎扁孝廉懼還之

江陵王廟在義和坊元初建祀湖廣行省左丞相阿里海牙

歐陽圭齋廟碑略云王初圍潭州守臣李芾嬰城固守者三月芾死力盡諸將乃開門入元師同列兩參政怒其後降欲屠城王持不可參政不從遣使入奏王亦遣使附奏略曰臣初徂征受命陛下首以曹彬下江南不妄殺一人爲訓今潭州城已降同列疾其距命之久欲獮其民臣誠不敢負陛下先詔昧死爲民請命上覽奏大喜宣布德音城中官民士庶不下百萬賴王一言易骨而肉王之德大矣哉記曰有功德於民則祀之今江陵王以一奏全危城性命自當廟祀百世義和坊之廟何今竟無聞哉

蔡公道憲以進士爲長沙推官數夢與李忠節公芾相酬酢後流賊寇湖南蔡殉節潭人歲時報賽常見二公往來車騎

甚盛

乾隆四十年乙未溧陽王公鳴來守長沙時方督工修鐵佛寺一夕夢有人請爲城隍夢中答以寺工未畢可請衡州府邱某去寤而異之至三日邱公恩榮果以疾卒豈冥官交代不異陽官邪越七年王亦卒於長沙似亦受邱交代者

通志載長沙府屬城隍神善化最靈父老相傳神係前署令李公鳳生李山西安邑人乾隆八年以舉人揀發湖南署善化事一夜見廟中書吏奉冥牘相迓遂抱微疾卒卒之日異香滿室空中聞呵導聲隱隱入城隍廟內

醴陵坡因有忠烈江門先生墓故改爲理靈坡墓前歷有蔡忠烈祠道光初年許萊山學士邦光題廟聯云共日月以爭

善化縣志 卷之三十四
光吟太古梅花已爲離騷賡一曲有奸雄曾過此拜空山蔓
草須知浩氣薄三霄咸豐壬子燬於兵

南宋甯宗嘉定閒江右劉筠字芳遠由進士除六科都給事
以言事忤史彌遠出守潭州景定中卸任回籍舟至汨羅江
遇大風幾覆夜泊青竹廟夢婦人明璫玉佩自稱三閭大夫
女今爲遊江娘勸返棹籍長沙自能保世滋大因詣善邑謀
塘居焉著紀事詩二十首壽八十三妻毛氏八十五生三子
俱進士簪笏滿門葬謀塘今劉姓多筠裔舊志載返棹時有
圓木隨舟泝流至長沙遂攜歸模刻神像祀之今牧馬段有
遊江娘娘廟多靈蹟

蔡京南竄潭州道中市肆飲食俱不肯售且詬詈多端州縣
吏共相驅逐京歎曰京失人心一至於此乃作詞曰八十一
年住世四千里外無家於今流落到天涯夢到瑤池闕下玉
帝五回命相彤廷幾度宣麻只因貪戀此榮華便有如今事
也後數月卒清波雜誌蔡京死潭州數日不得斂藁葬漏澤
園以青布裹尸初宣和年間京師染坊有名太師青者皆其
讖也

洪覺範冷山夜話山谷南遷與余會於長沙畱碧湘門一月
李子光以官舟借之爲憎者腹誹因攜十六口買小舟余以
逼窄爲言山谷笑曰煙波萬頃水宿小舟與大廈千楹醉眠
一榻何所異道人謬矣卽解纜去聞畱衡陽作詩寫字因作
長短句寄之曰大廈吞風吐月小舟坐水眠空霧收春曉翠

如惹睡起雲濤正湧往事回頭笑處此生彈指聲中玉箋佳
句數驚鴻聞道衡陽價重和詞日月曉金盤墮水鴈回醉墨
書空君詩秀絕雨園惹相見衲衣寒擁蟻穴夢魂人世楊花
蹤跡風中莫將社燕笑秋鴻處處春山翠重

崇甯元年一士人粥罷昏睡作一詩既覺記之曰無奈東風
試怒號共乘一葉傲驚濤不知兩岸人皆愕但覺中流笑語
高至三月七日與陳瑩中渡湘江是日大風當斷渡而瑩中
必欲宿道林小舟掀舞浪中兩岸聚觀膽落瑩中笑聲愈高
某士因憶夢中詩以語瑩中相爲駭異

張拱之江陵人政和中夢白衣人拜於牀下旋沒命僕掘土
得大銀二十錠藏諸笥一日復夢告別云欲往長沙助趙官

人造宅旦發笥果空往長沙訪之善化縣旁有趙姓興工創
第張謂之曰君家治第時土中獲物否云得白金千兩張語
前夢以他銀易之歸置牀足入夜似時聞泣聲遂去之

靳江河柏姓聚族而居乾隆時祁陽陳文肅夫人舟泊於此
夜夢白龍繞船異之次早見一女子年十七八浣衣舟傍夫
人愛之詢其姓曰柏以尙未字人配其子輝祖後輝祖官至
湖廣總督柏氏一品夫人

學院署側有韓公祠墓在祠後據署中老役云墓在署之大
堂中常有靈異學憲出入可由大堂徑過而官眷人口必由
側門轉入內廂犯者不祥今猶遵之

馮介烈公諱一第墓在東路馮家衝二百餘年矣道光年有

富紳某於墓前覓一穴百計圖維事已周妥乃祈卜於縣城隍定湘王得籤云忠烈耿耿照千秋枯骨於今血尙流勸君休信堪輿說免得將來悔不休其人汗駭遂絕其念

王曰恆字素瞻慷慨好義會兩修北省沔陽河橋制撫爲具題賜鹿門濟美扁額并賜聯云天爵克修隱居好義皆自得性分既定傳家樂善與人同後恆曾孫萬秋中乾隆甲子科武闈榜元

湘江西岸之炭塘因鐵江顏家山產石炭出售每堆積河干故名東岸卽李家坪由湘來省要津河廣當風舟易掀覆自嘉慶年黃其園置義渡四船並捐田畝爲經費近百年無覆舟者往來便之光緒二年其孫均隆入詞垣

洋湖楊海芳妻羅氏貧婦也澣衣溪邊拾銀一封懷以歸有頃見一人至溪邊左右顧甚倉皇婦飭子詢之則遺金者命子詢所失數具以告適符遂還之遺金者心感願少分給卻之邑侯光某表以聯云能以蓬門堅介節不圖巾幗見高風於是士紳並爲新其閨額曰廉靜可風

黃鑛字季宣黃鈇黃鈇同懷兄弟也少負氣節明末獻賊陷長沙時鑛居長沙之團山坪遇賊不屈而死子夢周字旦復方七齡陷賊圍中恍惚見一曰衣人抱之出今玉衡士茂友召皆其後也

黃學良字眉最年十六中崇禎癸酉鄉試未揭曉時兄又謙方營世德堂父命停工待捷是科果雋眉最與馮根公聯姻

皆尚節義著有哀湘吟

謝海字文淵衡州府安仁人童時父爲盜賊所掠海每念父輒泣血成化中進士親詣苗界贖父知父已沒乃想像刻木鍼指血漬之歸葬廬墓三年誓不祿仕母強之始授惠州通判苗賊叛平之乞養歸由湘潭朱亭徙善化沒葬靈峯山香泉寺右事載通志今湘西百泉謝族之始

元末值紅巾之亂劉李土著多避賊於三都之古鐵關寨賊至乞靈於山之廟神俄霧障雲封毒蜂四起賊無敢近迄今廟神祈雨甚靈人呼爲鐵關廟居士劉以畱詩昔年人唱凱歌還古寨崎嶇號鐵關劍氣朝昏橫舊壘國殤陰雨哭殘山坑埋骨血青燐恨地淨貔貅碧草閒幸際承平登眺處苔封

古寺暮煙環

明末郡中紳衿構訟爲長沙倡亂之始勿躁齋寄武燦詩書發心如擣胡爲舉國狂火飛文廟桷血染子衿裳巢卵無完理池魚恐被殃堅冰猶未至相與慎微霜

明季癸甲賊兵相仍繼以左師刦掠避世者多入瀏山勿躁齋有石江避地瀏村詩兵火驅人散翻如快遠游裹糧諸僕共旱稻別鄉愁世布宜羅密山藏飲啄幽江流牽萬丈寫入繪行郵黃學謙避瀏村詩疊嶂山回綠村村盡古風歌從耕鑿後春在笑談中旅食聊求靜偷生且固窮心無咄嗟事不必效書空黃象坤再避瀏山度歲詩遠心何處問天涯深入瀏山認作家數載一身同瓠落三遷兩度值梅花聊成澤畔

羊裘志忍聽漁陽羯鼓搥吾道豈應悲率野文章猶自照年華三詩皆流離中素位自得之趣也

白田鋪蕭姓者明末張賊過其地蕭殷實備酒食百餘席犒之意欲脫於難而保其室廬也食畢張令盡戮其家丁呼主人出令殺以謝之賊有憐之者不敢違張令乞全其身遂縛蕭於樹披其髮以刀繞頸而過皮血涔涔報張曰死矣遂得脫先是其家有乳母謂賊必殺人須亟避其家不信遂抱所飼兒匿橋穴得免夫以窮兇之賊豈以飲食可餌乎智出婦人下矣今蕭姓多係乳母救護之後故並祀其乳母云

河西七都梅溪灘陳姓聚族其始祖時中元長沙指揮使陞山西路安總兵辭不就弟時箴授中書兼左右少卿事當元

末兵燹兄弟偕隱於梅溪灘之天頂山賊過其下則雲覆其廬子觀我明諸生曾孫萬金由歲貢選沅陵教諭今則椒衍瓜綿矣父老有言凡亂離之世聚則生散則死亦遠慮之不可不知

朱子謂善事父母爲孝故孝盡人可行無小大一也邑西秩江有三孝子一楊姓母生一子業成衣父沒不顧母養適荒年一遺孩孤苦無依母憐之撫爲己子及長傭工甚勤謹日備薪米則出傭夜歸輒唱歌本以博母歡歷十餘年母卒營葬畢而去一梁姓其母生二子長嗜酒博次業木工養母不累兄人諷之則曰一子不養父母乎長窺工貲盡母收誑母曰弟娶婦須聘金母與之博場一空母慮次子之有後言也

鬱悶甚次偵知之慰母曰兄弟手足也銀錢外物也豈有重
外物而輕手足者乎母愠乃解兄聞之亦戒賭而養母一漁
人所得魚蝦必畱肥美以膳母有欲易其美者輒曰小人有
母無雞豚供豈魚蝦尙不能享其肥者乎嘗與人忿爭聞母
呼卽止

魏氏傭者不傳姓氏勤敏寡言笑力倍人食如之甚見重於
主人傭一兄貧且老往依食於魏魏安之傭者不自安請於
主人計以常食數得粟自炊減己食以食其兄又時取傭值
以肉進久之兄以肉爲可常一不得怒且詈傭前謝色愈恭
終數年不改時人賢其傭而非其兄宗伯方公聞之曰傭之
賢不兄若傭知兄之當養全乎人者也兄知弟之當養而忘

乎弟之不能養全乎天者也邑人郭昆甫爲傭者誰傳

善集百祥仁除百殃此楚若敖母語也邑黃世儁妻王氏善
事翁姑家雖貧而甘旨不少缺翁嗜菌氏憂之每食必先嘗
良久乃進一日嘗菌畢聞鄰有毒於菌者詢其採菌之地則
同也氏竟無恙然菌感溼蒸而生氣味芳腴易惹蛇蟲之毒
新採最不宜食嘉慶末年一宋姓因食菌連斃九人其先數
日陰雨人見戴笠小兒九人入宋門豈亦有厲憑之與一乞
婦與二子乞菌方食被幼子爭覆其碗得免豈亦有莫爲莫
致之數與

道光中年邑諸生張某以教讀爲生一日沐於盆恍見旗影
請於乩判曰某日應雷擊至日安然復請判以某日時必不

善化縣志 卷之三十四
免問何罪判不孝是日晴明至午雷電交作張跪乞救於母
頃屋瓦俱震硫煙滿屋母護子大呼曰我兒無不孝事雷頓
止有知之者云其母膳費無多又顧與其貧子以至母衣藍
縷食粗惡而張妻以夫之館金自濡衣鮮食肥且有非其姑
之心張館於外不察也自是以每年所獲館金分奉其母與
弟得令終張亦不自諱其事同治五年二月初二日邑田心
橋雷擊一周姓年十七先是擊之前二日其母失手破一瓦
缶子詈曰娼婦不小心母怒曰兒敢罵我會遭雷打適初二
日雷發聲子懼赴鄉店買楮錢爲祈禳計甫出店門數武眾
見濃煙墮子身仆地視之死無傷解衣胸裂寸許一老人曰
是子無他惡唯慣出言傷人父母其母以姑息之愛從不訓

戒一語以致習慣成自然卒罹神譴諺曰驕狗上竈驕兒不
孝母不能無過焉

黃本驥方物志長沙老猴明吉藩馬廄中物也藩女適善化
李氏贈以馬而猴與焉親迎日其墜馬死女未行而猴逸
李住河西之曲潭藩邸在今長沙王倉相去三十五里中隔
湘江猴往來兩地無所阻項繫金鍊行則琅琅有聲嘗跪乞
夜行僧解其鍊僧謂去鍊則能變化仍畱其半故猴歷三百
餘年不爲人崇余嘗寄居碑市家人咸見之狀甚瘦小色純
黑近來見者頗少

嘉道間父老相傳省垣有白鬚老人不甚高衣褐色每於月
夜或見於城樓或見於王倉人疑爲何首烏精不知其巢穴

也道光初長沙左晴山買宅於天心閣下宅後高墪厯有古桑大合圍一藤穿樹穴而上枝葉繁茂會有買桑者左故昂其值至百金不吝異之審諦其藤首烏苗也伐桑剖視樹中空一物畢肖人形面目手足皆具法製一家食之左壽九十餘歲方面叢鬢夏不帳冬不衾後子若孫俱享高壽

乾隆初鄒士珍戚許宅一幼女崇於狐時以糠灰瞋女眼許女者鄒媳也因不勝擾將女蒙男衣送至士珍家數日狐附於鄒宅外之古松言曰此女何時來曷不出吾畏老人不敢入老人卽珍也有欲以銃擊之者珍正色曰伊一頑蠢物何足較三日去嘉慶初珍子本清所居鄰狐擾甚夜然鐙於其蒙師游姓牀使不能轉側人至道及者卽被石擊本清客於

外適歸聞知忿氣往責狐不應擾童館自是安枕此父子驅狐一以含忍勝一以剛勁勝後均膺多福焉

城南書院雷書辦咸豐九年正月朔夜夢人招之造冊漫應之問何處曰浙江雷曰驟難遠出須數月部署家事方可其人約以五月至五月朔夜復至促之行雷辭以路遠其人以旣約強之醒惡之告其子三日卒後屢見夢於子言在浙所造劫冊約十餘萬甚辛苦冊內有姪某名須亟命之歸又月餘日無庸也凡冊內名時有更換一蓋截則定姪名已蓋截恐不免也後果沒於戰

咸豐兵燹後省紳以社壇嶺蔡公墳一帶古冢多被蹂躪坍塌募工修培夫工以價廉多去者一日遇白髮翁指一小墩

謂工人曰此處當剗平言訖不見工異之如其言不數鋤得白鏹一錠重五十兩上鑄建安年號乃漢獻帝時物持至錢店換錢均分之一時工之去者復聚冢皆修培一新咸豐初年河西雷新裕佃陳姓田每日以修路爲事足腐潰年餘醫不愈一日有路過者問修路受人雇乎曰自修以便行人耳顧其足曰吾能醫惜未攜藥在身明日某時子當至小西城門一會吾與子藥次日如時至其人手挾城石一片與之曰以火熱之搯患處當愈雷袖錢百文與之不受以手拂雷袖而入歸熱其石如泥石完而足愈袖被拂處異香經月不散

輪回之說非理之常亦事之所有朱子謂生氣未盡偶與生氣相合亦精氣遊魂之變也道光初年有吳姓子甚聰穎甫六歲病沈僵臥兩日蘇謂母曰兒被人帶至某家則富而無貴某家則一學校官壽七十一家郭姓則官四品但壽不永似令擇所適許之恐別母而去矣母詢郭家何事云業香門自竹籬入是夜殤母悼之因訪里有郭姓是夜生子夫婦遂奔至其家索兒郭駭叱解者令子長認吳爲義父母乃釋後郭長名祖漢號魁士以庠生投會侍郎營勦賊立功歷保至知府三河鎮一戰沒於營

死生有命子夏述夫子之言也咸豐四年曾文正督勇駐妙高峯臥室一窗向外無環垣有以坐不垂堂之說進者微哂不聽適營中察出一火勇衣角有兩圖記以爲賊細戮之遂

善仁集 卷之三十四
移宿他所而原臥室之牆於是夜傾圮正壓牀處馮孝廉曰
天之所助者順也曾公不死於巖牆其有濟乎又邑有廖君
清庭勇於陣適賊礮自右頭角穿左出昏仆無人理督帥以
其得力令守護以參藥飲之一晝夜而甦所傷適致命處卒
不死愈後止太陽角右凹左凸而已後官至總鎮廖言曾同
一陳姓在鮑軍門營打仗陳被鐵星陷左眼中百計不出鮑
慰遣之甫出營門有一人持竿懸膠藥一帖謂陳曰副爺所
傷之子約重一兩須買我藥貼之子可出眼可愈矣以百錢
買之入夜糊眼伏船臥守者聞鏗然聲燭之子落板重九錢
六七分後蹤迹營中並無此人廖又言在九江水師營時一
日賊艘紛撲下令迎擊有營書鄒君者畏甚眾令避艙內勿

出鄒復擁絮而臥止露頭面適一子中桅反激穿艙傷頭死
議者謂鄒氏曾有愆殺一平民作賊探事或其報與

道光己酉五月大水下游濱湖圍垸多潰饑民麋聚省城以
數萬計流離蕩析餓殍盈途新任巡撫趙公炳言由湖北趕
程蒞任買米千石來省並諭發常平倉穀更勸官紳捐貲接
濟於城廂內外隙地設廠施粥慮周法密斟酌盡善蓋往年
辦賑諸人弊端百出或侵扣賑米煮粥不黏或省用柴炭先
用石灰水浸米易於糜爛食之傷胃致瀉巡撫愷切諭飭官
紳勿視爲利藪可漁當視爲心田宜種剔除諸弊查造清冊
按名給牌米必親量粥必親嘗以故吏胥無中飽游民無混
入老弱孕婦疾病另設局醫治周恤之好善者復給錢矜助

之自來辦賑無善於此論者謂兵燹連年省垣安堵殆祥和之感召與

道光戊申新秋陰雨浹旬新穀在田及登場者俱生芽孽用鍋炒者米糊而穀仍溼焙穀之法擇大屋作土炕高寬均約三尺長約七八尺炕面鋪粗稀稀則火透篾摺以長樹二根穩繫可擡將新收溼穀覆摺上約三寸厚使水瀝下炕底先用石灰三合土打平唯一邊一頭略低使水自低處流出餘穀落炕底者可再行掃取竈須隔牆竈低於炕穴牆透火竈頂竈門須閉使火氣不外散穀得火氣一烘卽乾乾則用兩人或四人擡摺將乾穀覆散平地仍將溼穀攤摺烘之田多之家竈亦須多計每一炕更番遞烘一日夜可焙穀十餘石其變

通盡利則在老農之神而明之者

道光辛卯夏枯旱縣署祈雨設龍王神壇用大缸注深潭之泉中置蜥蜴癩頭蝦蟇浸柳枝置神壇前令小兒四人衣青衣手持柳枝繞缸唱云青龍頭白龍尾小兒求雨天歡喜大雨落在大田裏小雨落在菜畦裏一求天二求地三求龍王一口氣天也轉地也轉落下大雨吃飽飯三日雨應按宋嘉定十七年夏不雨真西山新建龍王祠於水陸洲爲文禱之曰洋洋湘流神龍迨宅盍哀斯人亟沛之澤膏我田疇活我黍稷廟於江濬維以報德越十日雨應遂爲歌詞以侑神歌曰龍之潛兮幽幽或江而潭兮或山而湫何偃蹇兮安臥不我民兮顧憂早爇兮良苦歲將饑兮誰愬語遲龍君兮不來

言化鼎志 卷之二十四
極予目兮湘浦龍之升兮雲從變化歛暑兮有雷有風騰百川兮雨四極膏大田兮稼滋殖崇崇兮龍宮觴豆潔兮粢盛豐冀龍君兮我享胙我民兮無窮茲小兒歌不知何本亦禱侑之遺意也

道光癸卯冬初鄉間蟲食穀白軀紅首倉穀半空邑令夏廷樾憩亭示諭農家用白紙硃書滕根窮奇神位六字貼倉戶家主衣冠香楮水飯祀之如此三晝夜蟲不爲害或曰窮奇高辛氏之子沒爲稷神則滕根亦其神與

道光末荒歉連年盜賊蠡起有控告者有司循於常例以至水懦民玩巡撫馮出示聚眾擄搶格殺勿論大書榜貼四境肅然又同治年間米價翔貴殷實閉糶待價貧民強糶阻賣巡撫駱示閉糶者籍強糶者斬鄉城獲安此周官治亂用重典之法也

咸豐丁巳九月飛蝗蔽天時禾稻登場幸不爲害蝗食尖葉不食圓葉棕竹過處幾盡用爆竹金鑼加以長竿繫紅布捕喊使不落地亦可稍使遠颺夜間則於屯聚之處堆燒柴草撲火焚翅則墮唯羣聚處必有遺種邑令李逢春奉撫憲駱嚴飭督捕並設局倡捐收買蝻子遺種處必有小孔依孔掘取遺卵長寸餘計歲終收取不下千餘石八年春蝗孽復生出土一二日蠕動如蟻六七日即能跳躍邑令李奉飭兩次往鄉督同紳耆趁其初出設法趕撲法以竹枝去葉成帚或以篾片紮皮掌多人排立前撲蝗喜向南走辰末巳初多用

魚魯布障圍住各持稻草團燒總須因地制宜相勢捕取是年各都收買之蛹亦不下千餘石古法以辰時則露翅飛遲午刻則相交伏地夜深則然薪使撲此外虔禱劉猛將軍以禳之亦田祖有神之祝也鄉都多祀杉仙真人蟲生時禱於神後用白布裁小旗尺許插田中蟲即滅

咸豐初元粵賊未到之先雞至定更即鳴湘江出鯉魚最盛一老學究曰劉子云太白暉芒雞必夜鳴雞爲兌金金爲兵精氣類相感也按武王伐紂有白魚入王舟註云鯉鱗粗厚甲兵之象也賊將至乎果應

勦捕粵賊捉獲黨羽有黑白盟書載開心壯膽符咒焚燒廟衙符咒避兵符咒長生符咒搜獲偽書有天父上帝皇詔天父下凡詔書天命詔旨書舊遺詔聖書新遺詔聖書天條書太平禮制太平軍目太平條規頒行詔書頒行歷書三字經幼學詩逆賊無父無君立言尙知稱天稱禮可見天理之不已於窮兇也然亦悖謬甚矣

同治十二三年哥老會給發標布搶案四出嚴拏立斬乃息按紅黑會天地會南北會仁義會串子會半邊錢皆哥老會之流此如山陝之好些兒河南之捻子皆奸民之桀者入會飲酒立誓有自結拜之後再念及生身父母同胞兄弟必天誅地滅等詞會首爲老冒末爲老么並有冒壳子大爺聖賢二爺當家三爺紅旗五爺之稱凡年與己尊者則稱兄弟自稱弟兄年與己卑則稱爲弟兄自稱兄弟遞茶煙皆以右手

中三指使禮亦手拱耳旁伸三指名爲屈指不離三邀食爲打平夥有事經投老冒謂之講皮判判輸輕則以刀向身隨刺三穿孔爲三刀六眼重則殺之爲草坪割片棄水中爲丟灰邀劫爲看生意劫客爲做買賣於稠人中欲聚黨則手執辮尾向內拂欲散則外拂口號各殊行蹤詭秘甚爲可慮周禮五家爲比使相保使不爲過也王禹昭曰鄉遂之制始於五家之少而終於萬有二千五百家之多此教化之寄於比閭族黨內也今鄉團族團其遺法與法在族清族而不使有外出之人鄉嚴鄉而不使有外入之匪正本清源之道士人亦不能無責焉

光緒二年五六月省城有剪髮一事謠爲九龍山教主遣徒收魂爲陰兵被剪者百日內死然卒無害比時多有用黃紙硃書符咒佩身及書籙籙籙四字佩戴焚服者七八月鄉間有剪雞翅事考字彙載嘉靖三十六年妖人馬祖翦楮爲兵以駭眾各戶多懸籙籙籙四字壓之字出道藏懷仁堂雜著天啟時天主教龐迪我工異術能取男腎及女子宮爲藥飛翦雞翅以試妖術雞三被翦則毒人醫方集驗稱狻猊能以玻璃器收毒氣傷人佩雄黃細辛白芷艾葉於胸得免又能飛翦人髮以攝其魂速自加翦寸餘以穢物壓之亦免西洋鑑載狻猊國能以紙翦人馬焚符誦咒化若真形以懼敵鳴鑼發礮擊之卽散此妖術之小非若邪教之等人道於禽獸也經正民與伊誰責哉



